

BIZITZARI TEN/K

EGILEA: Iñigo Legorburu Arregi

DOINUA: Ke azpitik, su gainetik

1

Aizan Luixa, nola gattun
andra beteranoak
hizketako asmoak
bizi-bizi zauzkanat nik
ta galdera sanoak. (BIS)
Lehen bereizten genizkiñan
Imanol ta Ainhoak
baina gaur... Lur ta Noah-k?
Jaioberritan zentzurik
ba al din hitanoak ? (BIS)

3

Erditze baten osteko
bixita azkarrean
pozaren aparrean
sartzen naun gelan ta irten
sarritan marmarrean. (BIS)
Ezin identifikatuz
diñatena aurrean
galdera bakarrean
"zer da?" ateratzen zaidan
"hau zein da?" beharrean. (BIS)

5

Haur txikien maitasuna
nahi baden eskuratu
no! Horra hiru datu:
Mutilari lehen unetik
baloia gerturatu. (BIS)
Neskatxa panpinen bidez
ahal baden liluratu
ta sexuak mugatu ...
Amek erditzen diñate,
amonok munduratu. (BIS)

2

Haurra sailkatzea ez den
hasteko, etikoa
gailentzean mitoa
errazkeria diñagu
aizto aldebikoa. (BIS)
Gure mundua ez al den
krudela, zinikoa?
Topikotan itoa ...
Generorik eza den gaur
gauza generikoa. (BIS)

4

Mutil-neska nor ote den,
bazagon enpatea
zer nahi den esatea?
Nahizta beti ez asmatu
hori ez den kaltea ... (BIS)
Neretzat pertsona ez den
izena, hankartea
zertan itxi atea?
Nortasun bat garatzea
den identitatea (BIS)

6

Haurren sexualitatean
hitz egin ohi den amez
"Non din ama?" esanez
haurrak *desbideratzean*;
zuzen jokatzearan ez ... (BIS)
Aitarik ez den aitatzearan
"lepo bait zagon lanez !"
Saleh, Kevin, Joanes
Aitatu ditzagun denak
lekukoa emanaz (BIS).

7

Etxeko neskak bazeunden
belarritako faltan
ibiliko naun latan
hasieran xuxurlatuz ...
ta gero zalapartan! (BIS)
Bihurtzen naun diktadore,
nik nahi ez niñan hartan
galdetuta: *nolatan ?*
haien gorputzaren jabe
izaterik ez dakan! (BIS)

9

Erreparatuta soilik
aluan ta buztanan
kontraesanen zaman
erortzea xinglea den
sailkatuz banan-banan. (BIS)
Haurra nor den ukatzean,
barne-pozak bakan han
sinisten diñat karman:
Pozik bizi nahi din harek
onartzea zakanan! (BIS)

AMONA

8

Gaztetan sinisten niñan
Jainko Ahalguztidunan
orain gogoratu nan:
Sexua ta haragia,
pekatu Garizuman ... (BIS)
Egun gazteak zebiltzan
dittuanaren suman
barne-hotsen bilduman ...
Sentitu gabe bizitzen
lehen errexago zunan. (BIS)

10

Mutil aludun ta neska
zakildun esaldian
bat eginda, abian
jarri gattun mundu berri,
ederren atarian. (BIS)
Haiekiko errespetu
ta aitortza handian
ai, hurrengo aldian
berorrika egitea
zegokigun agian! (BIS)